

雄黃散 治全上
右細末米泔水洗淨以藥搽之

雄黃 錢一 黃栢 錢二 射香 分一 先用艾湯淨洗後搽藥

麥冬清肺飲 麻後咳嗽出血或哈湯水

知母 貝母 天門冬 桔梗 甘草 杏仁

牛旁 石膏 煨 馬兜鈴 炒 糯米 右水

煎服

清火降火湯 麻後熱乘肺金声唾不出或咳或

喘 當歸 白芍 生地 陳皮 貝母

瓜蒌仁 甘草 白苓 枯苓 炒酒 山梔 炒

玄參 天冬 麥冬 杏仁 栝白皮 石膏

紫蘓梗 酒連 右各等分姜一片水煎服

至生子曰麻疹咳嗽喘急每用痘門中大小無比散每服五七分大者一錢即刻喘定而睡醒後神安氣和而愈屢用屢驗乃熱毒從小便出也加減四味升麻湯 此升發之劑但一二帖則止

不可過表 升麻 葛根 赤芍 甘草

防風 桔梗 紫蘊 蒼朮 陳皮 枳殼
柴胡 姜棗煎服

水痘赤痘即以此一服而愈不必他方雜治

大宮詹少溪吳馭閱校

終





國家圖書館, NATIONAL CENTRAL LIBRARY, TAIWAN, R.O.C.

外科赤水玄珠小引

國家圖書館, NATIONAL CENTRAL LIBRARY, TAIWAN, R.O.C.

生又子曰予輯赤水玄珠全集矣又次
外科為二卷者曷以故外科雖有
疾不傳肯綮治亦不易予故集前
試之方載二卷中俾專門外科者
卷而披閱之症與方森然在自所
守者



不約而所施者不博乎不然遍規全集
 不苦於目力之難竟而亦艱於簡裘之
 携持矣同志者幸鑒予衷焉

攜字 携字 携字 携字 携字

赤水玄珠外科第三十五卷目錄

外科小引

五發癰疽論

背疽其源有五

疔瘡

雜瘡

癰

瘡科總論

華佗癰疽瘡腫論

赤水玄珠 第三十五卷目錄

國家圖書館, NATIONAL CENTRAL LIBRARY, TAIWAN, R.O.C.

五發癰疽通治方

反花瘡

婦人陰瘡

臙瘡


赤水玄珠外科第二十五卷

○外科門小引

新安生生子孫一奎著輯

生生子曰外科最重者莫如癰疽最急者莫如喉
風疔腫患之者生死立見其餘瘡癩皆可緩圖
非若上三証急若風火也究其受病之源經曰
營氣不從逆于肉理乃生癰腫又曰膏粱之變
足生疔又曰六府不從晉結為癰又曰諸痛
痒瘡瘍皆屬心火大抵皆氣血虛弱蘊鬱熱毒

赤水玄珠 外科門小引



調養失宜之所致也予固非專門外科蓋常咨訪推究頗知治法大躰茲採前人所論瘡疽証治載列卷首疔瘡腫瘍次之陶節庵瘡疽經薛立齋外科精要二書實外科權輿業是者不可不使之隨囊檢視能熟此二書鮮有敗事予因特舉歷試有功者揭出以告同志云

○瘡科總論

夫瘡疽瘡癤者皆由氣血不和喜怒不時飲食不節寒暑不調使五臟六腑之氣怫鬱于內以致陰

陽乖錯氣血凝滯而發也亦有以服丹石燥熱之藥熱毒結深而為瘡疽也夫瘡疽之疾多生於膏粱富貴之人以其平昔所食肥膩炙煇安坐不勞嗜慾無節以致虛邪熱毒內攻煎熬氣血而成也瘡者壅也大而高起屬乎陽其脉浮數瘡者溫也平而內發屬乎陰其脉沉數瘡者總名也癤者有頭小瘡也經云諸痛痒瘡皆屬心火蓋心主血而行氣若氣血凝滯挾心火之熱而生瘡癤之類也然所感有淺深故所發有輕重大小之不同也六

府積熱騰出於外肌肉之間其發暴甚皮腫光軟
侵表廣大者癰也五臟風毒積熱攻注於肌骨其
發猛惡初生一頭如痞癰白色焦枯觸之而痛應
心者疽也熱發於皮膚之間浮腫根小不過二三
寸者癩也夫癰發於六府若燎原之火外潰肌肉
疽生於五臟沉澁難療若陶室之燧內消骨髓癰
則易療惟難將息而遲瘥疽則難療而易痊夫諸
瘡之中惟背疽疔瘡最為急症其次莫如腦疽腸
癰喉癰之類亦其急者也至若瘰癧懸癰痔漏諸

瘡之類其証可緩而治也又有疥癬癩瘡風疔之
類雖云俱屬瘡類而其輕重緩急自有不同也夫
癰疽之疾要須察其是虛是實是冷是熱或重或
輕對証用藥無失先後次序凡人年四十以上頭
頂髮頤背脊腰背或筋骨之上所視不見之處稍
有瘡癩便不可輕易待之若視之怠慢以為常疾
每見至微至著喪命者多矣便宜速急治之庶幾
得救譬之救火初起則易救至于燎原之勢不可
撲滅矣其理亦由是也凡瘡未破毒攻臟腑下毫

熱藥斷不可用此是先後次第之妙訣也夫瘡有五善七惡不可不辨者動息自寧飲食知味一善也便利調勻二善也膿潰腫消色鮮不臭三善也神彩精明語聲清亮四善也身氣和平五善也煩躁時嗽腹痛渴甚泄利無度小便如淋一惡也膿血大泄焮痛尤甚臭惡難近二惡也喘粗短氣恍惚嗜卧三惡也未潰先黑久陷面青唇黯便汚者四惡也骨項不便四肢沉重五惡也未能下食服藥而嘔食不知味六惡也身嘶色脫唇鼻青黑

面目四肢浮腫七惡也更有氣噫痞塞欬逆身冷自汗無時目眩耳聾恍惚驚悸語言煩錯皆惡証也五善見三則差七惡見四必危者五善并至則吉而安七惡全見必危而死矣已上所論大綱其諸証候治法列論于後

○五發瘡疽論

夫五發瘡疽者謂發背發腦發髮發骨發頤是也人之一身血氣周流而無間稍有壅聚莫不隨所至而發焉又豈特五者哉夫發背者乃五臟風熱

六府邪毒灌于筋骨之間發于經絡之內榮衛虛損氣血衰殘所致也其發初如粟米大最不可輕忽後必大發也若初起紅腫高起者後必不為害故曰外形如粟中可容谷外貌如錢裏可着拳如惡毒深滿膿血交精用藥可痊若膿臭穢無絲此血敗氣衰陽絕陰盛必難療理治初起或陰塌不起便可用艾多灸或隔蒜灸之如痛灸至痒如痒灸至痛此最妙法也若疽瘡已成亦可用火針烙開瘡口則易治也若瘡高起為癰則易治平陷為

疽則難治癰疽形症已具前總論中茲不復論至如發腦發眉發鬚發鬢發膈地位不同然皆由內臟伏陽結滯邪毒上壅隨其經絡地分而發也其諸發癰初起皆宜宣散熱毒要須看人元氣虛實而治之庶不悞矣若元氣實者亦可用大黃之劑泄去毒氣或用漏芦五香連翹之類皆可用內托十宣之類補之亦有陰瘡寒塌不起雖云用灸然亦不可服寒涼之劑亦宜以煖藥溫之全在活法不可執一也其敷貼洗藥具方于下隨症用焉

外科精要曰癰疽既久即服藥以護臟如護心散凡有疽疾早進數服使毒氣外出而無嘔吐之患否則咽喉口舌生瘡或黑爛如菌若瘡發四五日之後宜間用別藥治之

又曰護心散乃解金石發疽之藥若發熱焮腫作渴飲冷而嘔者宜之若發熱焮腫作渴飲湯而嘔者不宜用之蓋脾胃虛停痰或寒邪內侵或痛傷脾胃宜用六君子湯若喉舌生瘡或口乾作渴或小便頻數宜用六味丸天九諸瘡作嘔若飲冷便秘

是熱毒也黃連消毒散解之飲冷便和是胃火也竹葉石膏湯清之懶食飲湯是胃虛也補中益氣湯補之大便不實喜飲熱湯是脾胃虛寒也六君子加炮姜以溫之常見脾胃虛弱者用護心散反致胃寒嘔惡其瘡若生瘡乃腎水枯涸虛火炎上其証甚惡急用加減八味丸多有得生者

又曰癰疽嘔逆是毒氣沖心非脾胃之冷當服內托散楊氏云鼻衄初愈不曾表注毒在經絡則背大疽自肩下連腰脇腫硬如石其色紫黑以涼藥

投之終夜大嘔連進托裏散嘔止瘡潰赤水淋漓四十日而愈又有患癰者痛過輒嘔服托裏即止今有疽病不服此藥者故引楊氏之言以解世人之惑

華佗癰疽瘡腫論

夫癰疽瘡腫之作皆五臟六府蓄毒不流非獨因榮衛壅塞而發也其行也有處其止也有歸假令發於喉舌者心之毒發於皮毛者肺之毒發於肌肉者脾之毒發於骨髓者腎之毒發於下者阴中

之毒發於上者阳中之毒發於外者六府之毒發於內者五臟之毒故內曰瘰外曰潰上曰從下曰逆發於上者得之速發於下者得之緩感於六府則易治感於五臟則難瘳又近骨者多冷近膚者多熱近骨者久不愈則化成血蟲近膚者久不愈則傳氣成漏成虫則多痒少痛或先痒後痛成漏則多痛少痒或不痛不痒內虛外實者多痛少痒血不止則多不潰膿則多生或嘔逆無度飲食無時皆癰疽使然症候多端要當詳治

薛立齋曰瘡瘍生虫乃肝經風熱其成漏乃元氣
虛弱其出血乃脾虛有火其潰膿乃元氣充實至
於嘔逆等証屬脾胃虧損所致當調補元氣庶保
無虞

○背疽其源有五

一 天行二 瘦弱氣滯三 怒氣四 腎氣虛五 飲冷酒
食炙煇服丹藥

○治癰疽用藥木綱

一 初患癰疽便服內托散以免後來口舌生瘡仍

用騎竹馬或隔蒜灸

- 一 服五香連翹湯如大便疎快即止仍量入虛實
- 一 癰疽潰後宜服排膿內補散若嘔逆木香湯下
- 一 癰疽初作便宜灼艾及麥飯石膏塗四圍中留
口出盡如瘡小通傳之既潰用神異膏帖之
- 一 癰疽已潰日用猪蹄湯淋洗將愈之際三日一
次
- 一 癰疽將斂宜用神異膏如毒未及不可遽用生
肌之劑

癰疽將安宜用加味十全湯補其氣血庶肌肉易生

一背疽多先渴而後發或先疽而後渴不救者多矣若服加減八味丸非特杜絕渴疾抑亦大滋氣血生長肌肉

一癰疽嘔逆有二一因初發不服內托散伏熱在心一因脾氣不正伏熱在心者則心煩身熱癰腫作痛宜用內托散三兩服之脾氣不正者則不煩熱或聞穢氣作嘔宜用嘉禾散如有寒熱

用不換金正氣散五更初兼服山藥丸以補腎

○癰疽用香藥調治論

伍氏曰氣血聞香則行聞臭則逆大抵瘡瘍多因營氣不從逆於肉理鬱結為膿得香則氣血流行故服五香連翹湯萬金散金粉散凡瘡本腥穢又聞臭觸則愈甚若毒入胃則咳逆古人用之可謂有理且如飲食調令香美以益脾土養其真元可保無虞矣

○五發癰疽通治方

漏芦湯 治一切惡瘡毒腫丹瘡癩癰疔腫魚臍

五發癰疽初覺一二日便如傷寒頭疼煩渴拍

急惡寒肢體疼痛四肢沉重恍惚悶亂坐卧不

寧皮膚壯熱大便閉濇小便赤黃並皆服之

姪婦勿服 漏芦 白欵 黄芩 麻黄去節

枳實去白炒 升麻 芍藥 炙甘草 朴硝各二兩

大黄二兩 右每服三五錢看虛實用水煎空心

熱服

五香連翹湯 治諸瘡腫初覺一二日便厥喉咽

塞發寒熱 乳香 木香 木通 大黄各半錢

連翹 沉香 獨活 桑寄生 丁香 射干

升麻 射香另研各一錢 甘草五分 姜三片水煎

不拘時服

托裏護心散 治諸疔腫發背曾經汗下毒氣攻

心迷悶嘔吐而痛可服二三服 乳香一兩

菘荳粉四兩和勻每服三錢甘草湯調服

神仙蠟礬丸 此藥不問老幼皆可服之服至下

兩已上無不取效最止疼痛不動臟腑委是神

効活人不可勝數

白礬明亮者

黃蠟七錢

提起待少冷入礬末不住手撓勻

右衆手丸如梧桐子大倘

蠟冷不能丸以滾湯頓之便軟每服二十九漸

加至三四十丸白湯或酒吞下如未破即內

消已破即便合如服金石發動致疾更用白礬

末一兩匙頭溫酒調下亦三五服見効有人遍

身生瘡狀如蛇頭服此亦効諸書皆稱神奇但

一日之中服近百粒則方有功此藥能防毒氣

內攻蓋能護膜也功不可欺其淺近而忽之始

終服過半斤必能萬全瘡愈後服之尤佳

一方治蛇咬只熔化白礬乘熱滴傷處痛即止毒

氣即趕出立見効驗要知白礬大能解毒也

千金托裏散治一切瘡腫發背疔毒若氣血虛

而不能作膿或潰後膿清痛仍不減最宜服此

便能排膿止痛 黃耆半兩 厚朴 防風

桔梗各二兩 連翹二錢 木香 沒藥各三錢

乳香二錢 當歸五錢 川芎 白芷 芍藥

官桂 人參 甘草各一兩 右為細末每服三

錢酒一木盞煎三沸溫服

十六味流氣飲 治無名惡瘡癰疽等症 川芎

當歸 芍藥 防風 人參 木香 黃芪

官桂 桔梗 白芷 枳殼 厚朴 烏藥

紫蘇 只壳 甘草各一錢 右作一帖水煎食服

內托羌活湯 治尻臀生癰堅硬腫痛大作

羌活 黃柏酒製各二錢 防風 歸尾 藁本

連翹 蒼朮 陳皮 炙甘草各一錢 肉桂三分

黃芪半錢 水一鍾酒半鍾煎八分食前服

清心內固金粉散 一名金花散 專治惡瘡熱

盛煖痛煩躁作渴此藥解毒 辰砂研 白茯苓

人參 甘草各三錢 菴荳粉四兩 雄黃錢一 冰片

白荳仁 朴硝各五錢 射香與冰片各一錢另研 右以參

苓荳蔻為末入研藥和勻每服一錢半蜜湯調

麥飯石膏方又名鹿角膏 白麥飯石其石類麥

飯團者研細末所用 鹿角要生者自解者不用截作二三寸長炭火內煨令烟盡為度研

為細末 白欵為細末 右將麥飯石用炭火煨紅以好

米醋淬之如此煨淬十次研為極細末每用二

兩白歛末二兩鹿角灰末四兩同入乳鉢乳令
無聲方有效驗若研不細敷上作痛若研得極
細如眼藥一般極能止痛排膿收口量藥末多
寡用經年好米醋入銀石器內煎令魚眼沸却
旋入前三味藥末在內用竹篦子不住手攪
熬一二時久令稀稠得所傾出磁盆候冷以帛
蓋密勿惹塵灰每用時先用猪蹄湯洗去癰瘡
上膿血至淨以故帛挹乾以鷲翎拂藥膏塗敷
四圍凡有赤處尺塗之但留中心一竅如錢大

以出毒氣膿血如瘡未潰能令內消如已潰則
排膿如湍水逐日見瘡口收斂如患瘡久肌肉
腐爛筋骨出露用舊布片塗藥以貼瘡上但肉
膜終穿亦能取安洗瘡勿以手觸動嫩肉仍忌
口氣及有腋氣之人并月婦皆令忌之此方
但得好帶蓋鹿角好麥飯石精虔修合勝用他
藥多矣仍可熬取好米醋一大碗候逐日用藥
於瘡上俟乾便以鷲毛蘸醋拂潤勿令緊也初
用須一日一洗換十日後兩日一換

排膿內補十宣散一名十奇散治瘡疽瘡癰未成

者速散已成速潰敗膿自出無用手擠惡肉自

去不用刀針服藥後其痛頓減效驗如神

人參 當歸 黃耆各二兩 甘草 川芎 防風

厚朴姜汁炒 苦梗 白芷 薄荷各一兩 右為末每

服三錢酒調下日夜各數服以多為妙服至瘡

口潰更服為嘉不飲酒人濃煎木香湯調下然

終不若酒力之勝或飲酒不多能勉強以木香

湯兼酒調下亦可

乳香黃耆散 治一切惡瘡癰疽發背疔瘡痛疼

不可忍者或未成者速散已成者速潰不假刀

砒其惡自下 又打撲傷損筋骨疼痛並皆治

黃耆 當歸 川芎 麻黃去根 甘草 人參

芍藥各一兩 嬰粟壳蜜炙 陳皮各一兩 乳香 沒藥

各五錢 每服五六錢水煎服

黃耆湯 治一切瘡腫癰疽並宜服之

黃耆 川歸酒洗各一兩 大黃 芍藥 陳皮

炙甘草各五錢 右加生姜三片水煎服

托裏內補散 專治一切惡瘡潰爛出膿之後宜服之

人參 川歸 川芎 白芍 甘草 白芷

防風 白朮 茯苓 官桂 黃耆 金銀花

各等分水煎服

護心散 治瘧氣冲心嘔吐又名不 炙甘草

硃砂飛各錢 荒荳粉炒二錢 為細末作一帖白湯調下

當歸連翹散 清熱解毒通潤大小便 當歸

連翹 梔子仁 芍藥 金銀花各一兩 黃芩錢五

右每服五錢水二鍾煎七分空心溫服如欲通

大便加大黃二錢待藥煎將熟入之再煎一二沸服之

托裏散 治一切惡瘡發背疔疽便毒始發脉洪

絃實數腫甚欲作膿者 當歸 括萎根一錢半

大黃三錢 皂角刺 牡蠣 朴硝 連翹各一錢半

金銀花 赤芍藥 黃芩各一錢 水酒各一鍾煎

乳香止痛散 治一切瘡腫疼痛不止

乳香 沒藥各一錢 丁香五分 粟壳 白芷

陳皮 炙甘草 水煎服

加味當歸飲子 古云諸瘡皆屬心火鬱則發

之 當歸 生地 升麻 錢各五 防風 半二錢

荊芥穗 何首烏 錢各一 柴胡 白芍藥 川芎

羌活 黃耆 錢各三 紅花 蘇木 甘草 各一

每服五錢 生姜三片 煎或沐浴取微汗 効速使

血氣通暢 服藥應効

托裏溫中湯 治瘡為寒變而內陷者膿出清解

皮膚涼心下痞滿腸鳴切痛大便微溏食則嘔

氣短促吃逆不絕不得安卧時有昏憤

丁香 沉香 茴香 陳皮 益智仁 錢各一

木香 半一錢 羌活 良姜 炮三 黑附子 炮去皮 錢四

炙甘草 錢二 姜三片 水煎服 忌生冷

猪蹄湯 治一切瘡疽并諸腫毒消毒氣去惡肉

凡瘡有口便須用此湯洗 黃芩 白芷

赤芍藥 川歸 羌活 生甘草 露蜂房 有

兒者各 等分 先將豬前蹄兩隻重一斤只用白

水三升煮軟將汁分作二次澄去面上油并下

肉渣每次用藥一兩投于汁中再用文武火煎

十數沸去渣以故帛蘸湯溫之徐揩瘡上死肉
惡血隨湯而下洗淨訖以帛拭乾仍避風忌人
口氣吹之有狐臭人及月婦猫犬並不宜入病
人房中洗瘡切忌手觸洗疽之方甚多惟此方
極效其用露蜂此甚有理蓋以毒攻毒也
麥門冬湯 瘰癧潰後膿水不絕 麥門冬

黃耆 五味子 人參 官桂 當歸 遠志
白苓 芎藭 各一兩 炙甘草 三錢
姜一片 棗二枚 水煎

四虎散 治諸疽腫硬厚如牛皮按之痛

天南星 草烏頭 半夏 用生 狼毒

各等分為細末醋蜜調敷晉頭出氣

內托散 諸腫毒惡瘡一服立愈 尤便毒 大黃

牡蠣 各五錢 甘草 三錢 括萎仁 二兩 如無用

右分三帖水煎服

鉄井攔 治無名腫毒背疽以此圍之晉口出氣

芙蓉葉 重陽前收 蒼耳 端午前收 為末以蜜水調

五香湯 諸瘡入腹托裏 丁香 木香 沉香

乳香各一兩 人參另加一兩 射香三錢嘔惡者去之加麝香

右為細末每服三錢水一盞煎六分空心熱服
總錄聖惠千金外臺治諸瘡腫方中皆載此方
大同小異大抵專治毒氣入腹煩悶氣不通者
其餘熱結昏昧口燥咽乾大便硬小便澀者未
可與服

止痛當歸湯 治腦疽發背穿潰疼痛

當歸 黃耆 人參 官桂 芍藥 炙甘草
生地各一兩 每服五錢水煎服

金銀花散 發背惡瘡托裏止痛排膿 金銀花

無花藤葉代之四兩 甘草八錢 分為三帖酒水各半煎服

拔毒散 治熱毒丹腫遊走不定 寒水石生用

石膏生用各四兩 黃栢 甘草各一兩 為細末新汲水調搽之或油調塗之或帛花上攤貼以涼水潤之

寸金丹 二名返魂丹 三名丹半丸 四名追命丹
六名來甦丹 七名知命丹 八名得道丸 非人勿
示若有人患瘡身未爛者與三九服之嚥下便

活如口噤，斡開研化，灌之下，喉立生，治發背腦疽，癰腫遍身，附骨腫痛，先覺時飲水，口中煩渴，發熱四肢沉重，身軀壯熱，射香一分，乳香，輕粉，烏金石，雄黃，狗宝，沒藥各一錢，蟾酥二錢，粉霜，黃蠟各三錢，礞砂五錢，鯉魚胆乾用，狗膽各一枚，頭男胎乳一盞，金頭蜈蚣七條，酥炙，全用，右俱為細末，以黃蠟熬成膏子，和勻為丸，芫荽大小兒丸如芥子大，每服一九，病重者加三九，白丁香七枚，研爛，新汲水調送下，被蓋

出汗勿令透風，凡服藥後，喫白粥，瓜瓞，就睡，大妙，頭瘡腫痛，不過三服，定痛托裏散，一切瘡腫疼痛，不可忍，如年少氣實，先用疎利，後服此藥，川芎，川歸，乳香，白芍藥，沒藥與乳香各一錢半，官桂一錢，御米壳去筋膜炒，錢二，水煎服，柞木飲子發背癰疽已成未成並宜服之，乾柞木葉四兩，乾荷葉心蒂，萱草根，甘草節，地榆各一兩，右為末，每服五錢，水煎服。

早晚各進一服

內托千金散 瘡疽發背腦疽乳癰諸瘡癰未成者自散已成者即潰 人參 川歸 黃芪 川芎 防風 白芍 官桂 桔梗 白芷 甘草 括萎 金銀花 各等分 痛甚者加當歸乳香沒藥芍藥 每服七八錢水煎臨服加好酒半盞溫服日進二三服若瘡口有黑血出及有汗出者此藥之功也

牛膠飲 截癰疽惡瘡發險處服之使毒氣不致

於內不傳惡証

牛皮膠 通明好者淨洗 乾秤四兩為則

右用酒一碗入膠納重湯頓令膠攪勻傾出更浸酒隨意飲尽若善飲者以醉為度亦用酒煎却浸以白湯飲尽為佳此法活人甚多

國老膏 一切癰疽俱發預期服之能消腫逐毒

使毒氣不內攻功效不具述 大甘草 有粉者二斤

槌令碎河水浸一宿揀令漿汁濃去渣再用綿濾過銀石器內慢火熬成膏以磁罐收之每服一二匙無灰酒侵入或白湯亦可不拘時服曾

服丹劑燥藥亦解之或微利無妨

遠志酒 一切瘰癧發背惡毒有死血陰毒在中則不痛敷之則痛有憂怒等氣積而內攻則痛不可忍敷之則不痛或熱蘊在內熱逼入手不可近敷之即清涼或氣虛血冷潰而不斂敷之即斂此乃韓大夫宅用以救人極驗若七情內鬱不問虛實治之必愈 遠志米泔浸洗去心苗 右為細末酒一盞調藥末三錢遲頃澄清飲之以渣敷病處

忍冬酒 瘰癧發背初起時便當服此不拘瘰癧發何處及婦人乳瘰服之皆有奇効外以麥飯石膏及神異膏塗之其効若神 忍冬藤生取大握以葉入砂盆內爛研入好酒或生酒尤佳調和稀稠得所塗敷四圍中心留一大竅出氣仍用忍冬藤五兩用木槌微搗不可碎 甘草兩 煎至一碗入右入砂瓶內水二碗文武火慢煎至一碗入無灰好酒一大碗再煎十數沸去渣分為三次服一日服盡如病勢重一日夜再進一劑服至

大小腸通利藥力乃到 若無生者用乾者終
 不及生者力大而効速其功勝於紅肉消
 神仙截法 瘡疽發背一切惡毒預服此藥毒氣
 不內攻可保無虞 真麻油 一介銀石器煎升
 數沸傾出冷用
 右以無灰酒兩碗侵入油重湯溫稍熟通口急
 服一日尺之為妙或疾發數日者亦宜急服之
 佳此法乃吳侍御家云三代用之無不驗又聞
 獵者云允慎中葉箭急飲麻油則藥毒不行後
 於西山親見一人被虎箭穿股叫號不忍急以

此灌之良久遂定又聞鄭學諭曾用之効
 黃耆丸 治因用針傷其經絡白濃赤汁逗流
 不止 生黃耆錢八 川歸錢三 木香 沉香
 肉桂 乳香各一錢 右諸香並不見火為細末用
 荒草粉生薑汁煮糊為丸梧桐子大溫水吞四
 五十九丸
 忍冬丸 療渴疾既愈之後須預防發瘡疽大宜
 服此 忍冬藤根莖花葉皆可用以無灰好酒
 浸以糠火煨一宿取出晒乾入甘草少許研為

赤水玄珠 卷五十五

細末以酒浸酒打麵糊為丸梧桐子大每服五十九至百丸不拘時酒飲任下 此藥不特治瘰癧大能止渴并治五痔諸瘻等疾

援生膏

治諸般惡瘡及癩癧鼠瘻總起者點破

即愈

血竭

乳香

沒藥

各一錢

蟾酥

輕粉各三錢

雄黃

五錢

射香

五分

右用蒼麥楷灰或真炭灰一斗

三升淋灰湯八九碗用粟柴或棠柴文武火煎作三碗取一碗收留二碗盛於好磁器內候溫將前七味藥研為極細末入灰湯內用鉄瓢或

棠柳枝撿再以好風化石灰一升入藥灰湯內撈勻取出候冷過宿盛于小白磁罐內凡遇諸惡瘡點在當頭一日二次三日又一次瘡頭食破約五分血水出為妙恐日久藥乾將前收留灰湯入之

烏龍膏

一名烏金散

一切腫毒瘰癧收赤暈

木别子

去壳

半夏

各二兩

小粉

四兩

草烏

五錢

右於鉄銚內慢火炒令轉焦為細末出火毒再研以水調稀稠得所敷毒四圍留頂出氣或以

醋調亦得

透膿散 諸瘡瘰癧及貼骨瘻不破者不必刀針
以此點之不移時其膿自透累驗

鐵口繭子出鐵有口者 右燒存性以酒調服切記只

用一枚不可多用如用二三枚即有二三口也

慎之此方絕驗勿忽

通門散 一切瘡疽無頭腫痛 山梔子三錢

大黃二兩 牡蠣炒五錢 地龍去土三錢 炙甘草五錢

每服六七錢水煎服以利為度

乳香拔毒散 一切瘡腫瘰癧消毒 黃芩各二兩

黃栢 地骨皮 乳香 沒藥各二錢

為末凉水調攤貼腫處效

五効散 發背諸瘰癧癰癧乳瘻與前方間服神

効 皂角刺不用枯者剉而久炒 生粉草二兩

乳香五錢 沒藥一兩 栝蔞五枚取肉炒

右為末每服二錢無灰酒調下

灸法 瘰癧初發小點一二日間急以大蒜頭橫

切如錢貼其中心以小艾炷灸之五炷而止若

形狀稍大以黃稭紙蘸酒全貼看先乾處為筋
 脚於脚處灸之或兩處先乾皆灸但五七壯而
 止 又法屈指從四圍尋按遇痛處是根就此
 處重按深入自竟輕快即此灸之更於別處灸
 若腫大即搗蒜餅焙乾蘸法醋灸熱更換頻燬
 或以熨斗火於蒜上熨之逐次更換熱餅頻熨
 如竟患處走散以綿帛覆蓋勿令氣泄俟少間
 敷藥凡癰疽腫大如鷲之形須看頭向上下先
 灸其前兩脚次灸其尾或紅筋走緊而長從盡

處灸之須看頭并後兩脚勿灸設盡灸之不惟
 火氣壅聚彼毒無所走散反攻入裏也倘辨認
 不明以白芷三分 漢椒 紫白皮 各一
 連根葱白十根 新水煎入酸醋半盞淋洗以
 頃其筋自見可以辨認頭尾

萬病解毒丸 癰疽發背魚臍毒瘡藥毒草毒挑
 生蛇毒獸毒諸惡瘡病 五倍子 錢五 山荳根
 山慈姑 一兩 全錫 錢五 紅牙大戟 錢七 射香 錢一
 續隨子 取仁去油取 霜各半兩 硃砂 雄黃 各二錢

右件先以前五味入木臼搗羅為細末次研後
四味夾和糯米糊丸分作三十五丸端午七夕
重陽鵬日淨室修合每服一丸生姜蜜水磨下
井水浸研敷患處解毒收瘡救病神妙硃砂雄
黃乃瘍醫五毒攻乃瘍中物也

加味八味丸 降心火生腎水治諸渴疾瘰疽未

發前已瘥後渴症通用 熟地黄焙二兩 山藥微炒

山茱萸蒸取肉焙各一兩 辣桂去粗皮五錢 澤瀉截作塊酒

甌內蒸五 牡丹皮焙 白茯苓各八錢 五味子慢火焙乾

半研兩 右為細末煉蜜候冷和丸如梧桐子大每
服三十丸空心鹽湯下

神仙太乙膏 治瘰疽及一切惡瘡軟癬不問年
月深淺已未成膿並宜治之 蛇虎傷蜈蚣犬咬
傷湯火刀斧所傷皆可內服外貼如發背先以
溫水洗瘡淨軟綿拭乾却用緋帛攤膏藥貼瘡
即用冷水下血氣不通溫酒送下赤白帶下當
歸酒下咳嗽及喉閉纏喉風並用新綿裹膏藥
置口中含化一切風赤眼用膏捏作小餅貼太

陽穴後服以山梔子湯送下打撲傷損外貼內服橘皮湯腰膝痛者患處貼之內服鹽湯送下唾血者桑白皮湯下諸痛先以鹽湯洗淨諸血量大小以紙攤貼每服一丸如櫻桃大蛤粉為衣其膏可收十年不壞愈久愈烈一方又遠癩癰同上瘰癧鹽湯洗淨貼酒下一丸婦人血脈不通甘草湯下一切瘡癩并腫痛及疥癩別煉油少許和膏塗之
玄參 白芷 當歸
赤芍藥 肉桂去粗皮 大黃 生地黄各一兩

右剉碎用麻油二斤浸春五夏三秋七冬十火熬黑色瀝去渣入黃丹一斤青柳枝不住手攪候滴水成珠不住手為度傾入磁器中以磚蓋口掘子窖埋阴樹下以土覆三日出火毒欲服丸如鷄頭子大

神異膏 治發背癰疽諸般惡瘡癩其効如神治疽疾先以麥飯石膏塗敷俟其瘡根脚漸收放徑寸大脚用神異膏貼之收口此藥隨其人病深淺取効合時不可與婦人鷄犬猫厭穢物見

玄參半兩 杏仁去皮尖 露蜂房淨炒

者為 男子亂髮洗淨焙 綿黃芪分全蛇退

錢五 黃丹飛細 右用真麻油一斤用髮入銀

鈹中文武火熬候髮焦鎔盡以杏仁投入候變

黑色用好綿瀝去渣再將所熬清油入鈹內然

後入玄參黃芪慢火熬一二時取出鈹子安冷

爐上半時又火力稍息旋入露蜂房蛇退二味

將柳枝急撿却移鈹放火上不住手撿慢火熬

至紫黃色用綿瀝過復入清油在鈹內乘冷投

黃丹急撿片時又移鈹于火上以文武火慢火

熬不住手柳枝撿干餘轉候藥油變黑色滴水

中凝結成珠則是膏成就若珠子稀再熬少時

必候其得所然後磁器內收封待用或恐偶然

火熬太過稍硬難用却少將脂熬麻油在內以

磁器盛封蓋於甌上蒸乘熱撿調收用膏藥熬

成了須連所盛磁器置淨水中出火毒一晝夜

歇三日方可用日換二次夜換一次熬此膏藥

極難於火候須耐看火緊慢火猛則藥中火發

不特失藥性又傷人面目救助不及千萬謹戒
膏藥方甚多不下數十治疽之神無出此方于
金不換杖瘡尤妙

萬金膏

治疔疽發背諸般瘡癤從高墜墮打撲
傷損脚膝生瘡遠年癰瘡痔漏一切惡瘡又云
專治發背神妙不可具言或初發若做瘡用牛
皮膠令稀稠得所如藥化攤在毛頭上於初發
處或有做瘡處貼次用軟布帕子二條於醋米
醋內煮令熟漉出互相放熬紙上乘熱蒸熨不

可令布帕冷布帕二條不可都齊漉出當醬一
條于醋內煮候蒸熨得一條冷時却取醋內煮
者熨之俟冷却又於醋內取熱布蒸熨度幾常
得熱布替換即易見効若瘡痒乃是藥攻其病
須忍痒不止直候膿出將尽即濃煎漿湯候
溫洗去膠紙次日依前更洗若上有膿又如前
法蒸熨雖連數日蒸熨不妨但要瘡中膿尽瘡
乾為度然後用生肌紅玉散搽在瘡上即以萬
金膏貼每日一上或兩上每用再蒸熨並如前

先鋪膠帛于瘡上了亦如前用貫衆湯洗入膠
 紙 龍骨 鱉甲 玄參 黃栢 草烏
 黃連 烏賊魚骨 黃芩 白芨 白欬
 猪牙皂角 木别子 當歸 白芷 川芎
 厚朴去粗皮 槐枝 柳枝各四寸長 乳香另半
 沒藥另研各 黃丹水飛淨炒過 清麻油四斤入
赤色去粗秤 右除乳沒丹外餘藥入油內慢火
淨油三斤 煎候白帛焦色去粗入黃丹一半不住手攪令
 微黑色更入黃丹仍攪待滴入水中成珠不粘

手為度攪溫下乳沒末攪勻磁器盛用時量瘡
 大小攤紙貼之治諸惡瘡加自然銅肉桂各一
 分一方無當歸

磨風膏 治頭面五發瘡腫疥癬等疾及湯泡傷
 磨風止痛滅癩痕 白附子 白芍藥 白茯苓
 苓零令香 白芨 白欬 白芷 白檀
 藿香 升麻 細辛 黃芪 甘草 杏仁去
尖各 腦子 栝萎根一兩 大栝萎二兩 黃臍
一兩 芝麻油 右前十四味剉油內浸百日於臍日

木火炭上銀石器內煎至白芷微黃色離火入
枯藜二味着內煮百沸重綿濾去粗再慢火上
煉油香下削淨黃臍熔開為度傾在磁器內收
貯上搽腦子密封旋用磨風塗之

金絲萬應膏

治癩撲傷損手足肩背并寒濕脚

氣疼痛不可忍小兒脾疳瀉痢咳嗽不肯服藥

者 瀝清

二斤半

威靈仙

二斤

草麻子

二百枚

黃臍

西 木別子

二十八枚

沒藥

乳香

各一兩

麻油

夏二兩春秋各四兩

右先將瀝清同威靈仙下鍋熬化以槐柳枝撓
候焦黃色重綿濾過以瀝清入水盆候冷成塊
取出秤二斤淨再下鍋煨爛下麻油黃臍草麻
子泥不往手槐柳枝撓勻須慢火滴入水中不
粘手扯拔如金絲狀方可如硬旋再加油少許
如軟加瀝清試得如法却下乳香沒藥末起鍋
在炭火上再用槐柳枝撓數百次又以粗布漉
下水盆內扯拔如金絲頻換水却用小銚盛頓
如落馬墜車被傷疼痛處穴上炙熱貼透骨肉

為驗連換熱水數次浴之則熱血聚處自消小兒脾疳瀉痢貼肚上咳嗽貼背心上

洗藥神硝散

專治瘰癧疽潰爛臭穢朴硝一兩

蛇床子二兩研破右二味和勻每用三錢水一碗煎三五沸通手洗瘡上用後藥搽之

聖効散

收斂瘡口黃柏一兩去粗皮炒赤色穿山甲一兩

煨木膿出尽洗淨方可乾搽瘡上色炒黃 檳榔 木香各半兩 右為末每用少許

阿膠飲

一切瘰癧癩毒牛膠剉成珠粉 草各

橘紅錢五 分三帖水煎服

家藏神驗血竭膏 當歸酒洗 白芷 大黃 黃連

黃柏 木別子去殼 皂角 杏仁 露蜂房各一兩

乳香 沒藥 血竭各三兩 血余一兩 飛丹一兩

麻油斤二 右除乳沒血竭餘藥入油熬焦去渣熬

至滴水成珠下丹將柳樹棍不住手攪軟硬適

中入乳香等攪勻即成膏矣 薛立斋云血竭

取其以毒攻毒也若惡瘡已去毒氣既消宜用

神効當歸膏以其生肌續筋也

華氏云瘰癧不服內托散及失宣通內毒以致咽
 喉口舌生瘡甚則生紅黑菌客入甚速當用琥
 珀犀角膏治之向有患此症者諸法不效與此
 藥一日而安

琥珀犀角膏 真琥珀 犀角 辰砂 飛 茯苓 各三

冰片二分 人參三錢 酸棗炒二錢 右為末煉蜜在

彈子大每服一丸麥門冬湯化下

季氏云瘰癧不服并裏之藥熱毒內攻喉舌生瘡
 甚至黑爛當服犀角散以解其毒

犀角屑 玄參 升麻 黃芪 赤芍

麥門冬去心 生粉草 當歸各一兩 大黃微炒三兩

右為粗末每服三錢水煎

薛氏云前方破血降火內疎之劑也若其脉沉寒
 大便秘結發熱作渴喜飲冷者屬熱蓄於內方
 可用之若其脉虛浮大便不結發熱作渴畏飲
 冷者乃屬血虛於外可用當歸補血湯若尺脉
 洪數而無力發熱作渴小使頻數者屬腎水不
 足虛火上炎宜用加減八味丸蓋此症多巨腎

水虧虛火上炎故也

內托黃耆丸 治針砭所傷惡寒發熱膿水不止

肌肉不生瘡口不斂 黃耆八兩 川歸酒洗

肉桂心 木香 沉香 乳香各一兩 芫荽末四兩

右為末以姜汁打芫荽末糊為丸白湯吞

薛氏云若肌肉傷而瘡口不斂用六君子湯以補

脾胃 若氣虛惡寒而瘡口不斂用補中益氣

湯以補脾肺若血虛發熱而瘡口不斂用四物

參朮以滋肝脾 若膿多而瘡口不斂用八珍

湯或十全大補湯以養血氣經云脾主肌肉如

前藥未應但用四君歸耆以補脾胃更不應乃

下元陽虛急用八味丸以壯火生土若脉數發

渴者難治此真氣虛而邪氣實也

李氏云近有數人病背疽或先寒後熱先熱後寒

或連日或間日必嘔痰大汗而止皆用柴胡悞

山不應乃脾氣不正復感寒邪痰盛而作遂先

用不換金正氣散次用排膿內補散木香湯三

日而愈 若外邪既去而仍嘔不止宜用六君

子湯以補脾胃。凡九胃氣虛而作嘔者必喜溫熱，毒內攻而作嘔者必喜冷。治當辨之。家傳不換金正氣散。

治感冒風寒或傷生冷或

瘴瘧或疫癘。香木米泔浸厚朴姜汁拌

炙粉草二兩橘紅三兩藿香葉半夏姜制二兩木香濕磨

人參白茯苓各一右每服五錢加姜棗水煎服

凡疽愈後忽發渴而不救者，十有八九。或先渴而患疽者，尤為難治。急用加減八味丸，可免前患。如能久服，永不作渴，亦無痺症，且氣血皆壯。真

神劑也

薛氏云：前症屬腎水枯涸，虛火上炎，口乾作渴，飲水無度，或舌黃作裂，小便頻數，或痰氣上壅，煩躁不寧，或二三年先作渴，飲水或口舌生瘡，而足發熱多，痰或瘡愈三年而口乾作渴，小便頻數，急用前藥，多有復生者。能逆知其因，預服前丸，可免此患。若兼手足厥冷，真陽虛也，宜服八味丸。大凡瘡後，審其腎水不足，用加減八味丸，中氣虛弱，用補中益氣湯，氣血虛弱，用十全大

補湯陽氣虛寒加姜桂如不應用八味丸

○加減八味丸 熟地黄八兩 乾山藥 山茱萸去核

五味子炒各四兩 肉桂一兩 牡丹皮 白茯苓各三兩

澤瀉切片蒸五兩 右煉蜜為丸梧子大每服八十

丸五更末言語前白湯下

○黃耆六一散 黃耆六兩 粉草半生半久一兩

右為末每服二錢空心日午白湯調下不應作

大劑水煎服

薛氏云忍冬丸解熱毒消渴之藥也六一湯補氣

虛作渴之藥用之無有不驗

○五味子湯 腎水枯涸口燥舌乾 五味子

麥門冬各一兩 黃耆炒三兩 人參二兩 炙甘草五錢

右每服五錢水煎服

此方乃滋其化无之劑設腎水既涸虛火上炎

燥渴須佐以加減八味丸

薛氏云痲疾將安每日當服十全大補湯以補氣

血宜與排膿內補十宣散相間服

薛氏云潰瘍屬氣血俱虛補之固當若患腫瘍而

氣血虛弱者尤宜預補否則潰而不斂凡大病之後氣血未復多致再發若不調補必變為他症而危或誤以為瘡毒復發反行攻伐速其斃也深可戒諸

神効托裏散 治一切癰疽發背腸疔

黃芪益水 忍冬葉 當歸各五錢 粉草二錢

右酒煎服渣敷患處 此乃托裏消毒之良劑也

神効瓜蒌散 治乳癰癰癰與疔効散相間服

黃瓜蒌一枚 當歸尾 甘草節五錢 沒藥一另

右用酒三碗煎二碗分三次服未成即消已成即潰

立効散 治癰疽癰癰 皂角刺半斤 粉草二兩

乳香 沒藥一另 黃瓜蒌五個

右每服一兩好酒煎服

薛氏云二方治癰疽癰癰解毒止痛通用之良劑也若癰癰寒熱焮痛腫赤乃肝經氣病當清肝火以養肝血若寒熱既止而核不消乃肝經之血亦病也當養肝血以清肝火若初如草粒着

於筋肉色不變內熱口乾精神倦怠久不消潰
乃脾肝虧損當健脾胃培肝木外臺秘要云肝
腎虛熱則生癰余病札云癰癰不係膏粱丹毒
因虛勞氣鬱所致補形氣調經脈其瘡自消若
悞下之必先犯病禁經禁矣

綠雲散

治五發毒瘡於背腦或手足此方治金

有神效鳳尾草形如鳳尾葉背有金星久乾一兩

粉草錢一

用酒一碗煎三五沸入冷酒一碗飲之以醉為
度立效

清涼膏

治一切瘡瘍膿去後用之當歸二兩

白芷 白芫 木別子去壳 黃栢 乳香

白歛 白膠各五錢 黃丹淨五兩 麻油十二兩

右入油煎黑去粗入黃丹以槐柳枝不住手順
攪再煎成膏乃下乳香等藥

碧油膏 止痛排膿灸後用此 菝枝 柳枝

桑枝 槐枝 乳香 血竭各五錢 黃丹淨四兩

右用麻油十兩照常法煎成膏入乳香等任貼

神效酒煎散 治一切瘡瘍其效如神 人參

沒藥 當歸尾各一兩 甘草 括萎一枚半
右以酒三碗煎二碗分四服粗焙乾加當歸末
一兩酒糊丸桐子大每服五十九以酒下 善
消毒活血

經驗方 治金石發癰 黑鉛一斤 甘草三兩
右用酒一斗置磁器內先以甘草置在一邊另
將鉛熔投酒一邊取鉛再熔仍投丸度取酒飲
醉寢即愈

治癰疽用生甘草為末酒調二錢服連進數服自

消 前方乃清熱消毒之劑若目膏梁積熱金
石苦毒血氣壅滯者最宜如脾胃虛血氣痞滯
者不宜驟用恐胃寒故也

升麻湯 肺癰胸乳間作痛嘔吐膿血腥穢

升麻 苦梗 以仁 地榆 黃芩 赤芍
丹皮 甘草 各等分水煎服

穀道前後生癰謂之懸癰 粉草一兩截斷以潤
水浸潤炙令透內細剉無灰酒煎服有人患此
已破服兩劑瘡即愈

崔氏云治手足甲疽或目修甲傷肉或目損足成瘡潰爛上脚用瓦九置鉄板上煨色赤如金者為真沸定取出研末以鹽湯洗搽之

薛氏云前症即脫疽也此方固有良驗尤當調元氣為善大抵此症先醇酒炙燂膏梁厚味傷脾或房勞虧損腎水故有先渴而後患有先患而後渴者若色赤作痛自潰可治色黑不潰不冷色赤作痛者先用隔蒜灸活命飲托裏散再用十全大補湯加減八味丸色黯不痛者隔蒜灸

業枝灸亦用十全大補湯加減八味丸則毒氣不致上侵元氣不致虧損庶可保生亦有目修手足口咬等傷者若元氣怯弱或犯勞事外塗寒涼內服剋伐損傷脾胃患處不潰色黯上延亦多致死重者須解毒去當以脚力轉解周髀輕拽使筋隨骨出而毒得洩否則毒筋內斷仍上潰雖云無益且偏僻之處氣血罕到藥難導達况攻毒之劑先傷脾胃反損元氣不若灸法為良重者須解毒為善故孫真人云在肉則刻在